

## CHRONICON

647

(prædictus) personaliter accessit extra civitatem Veronæ ad accipiendum Dominium aliarum civitatum, & Veronam rediit' XIII. Augusti. Demum XVII. Septembris Dominus Mastinus de la Scala frater ejusdem Domini Alberti, qui licet secundus & junior esset, magis erat doctus in dominio & cautelis, movit se de Verona ad accipiendum dominia particulariter civitatum, & castrorum Districtuum/civitatum ipsarum, in eisdem disponendo de Custodibus, & Rectoribus eorumdem'. Eodem Anno circa ultimum Decembris Bartholomeus, & Zilbertus fratres, & naturales filii Domini Canis Grandis de la Scala diffamati & accusati de pensatione mortis & statutis contra Dominos Albertum, & Mastinum de la Scala, capti fuerunt, & in carceribus communis Veronæ positi & perpetuo condemnati. Et ea vice Magister Franciscus eorum Magister judicatus est; & per terram trainatus ad furcas tumbarum suspensus est.

MCCCXXX, nono Junii. Dominus Mastinus de la Scala secundus cum ejus exercitu & comitiis ivit in Riparia Brixensi, & plura castra, & loca obtinuit usque prope civitatem Brixie, villas & loca devastando, & ibidem moram traxit per mensem. Et eo Anno II. Septembris Dominus Mastinus prædictus cum ejus exercitu rediit' in territorium Districtus Brixie, & obtinuit totam Riperiam, & Vallem Sabie, & multa loca alia primitus non obtenta, & per mensem vel circa ibidem moram traxit.

MCCCXXXI. XVIII. Novembris, Dominus frater Thebaldus Ordinis Fratrum Eremitarum Episcopus Veronensis, cum jam esset annorum XC. ex catfallo mortuus est, & sedi in Episcopatu Annis XXXVI. Et eo Anno XXVII. Novembris factus fuit Episcopus Veronæ frater Nicolaus Abbas Villæ Novæ, & sedi in Episcopatu Annis V. vel circa; deinde morte naturali decepsit.

MCCCXXXII. VII. Junii, Dominus Mastinus de la Scala civitatem Brixie obtinuit per proditionem sibi traditam per infrascriptos, videlicet Costradum de Bichis, & Nigrum de Bruxatis, & quatuor alios Nobiles de Brixia cum eorum sequacibus, & amicis. Et Dominus Marsilius de Carfaria nomine Domini Mastini de la Scala duxit tractatum prædictum nomine ipsius Domini Mastini, & Rector ipsius civitatis tunc temporis factus est; Et per triduum Guelfi ipsius civitatis Brixie habuerunt licentiam interficiendi Gibellinos civitatis Brixie, & Districtus, opera Domini Alberti de la Scala per consilium sibi datum per Dominum Marsilium de Carfaria prædictum. Et in brevi tempore his peractis omnia castra & loca Districtus Brixie venerunt ad obedientiam, & mandata Domini Mastini de la Scala prædicti. (Et in ipso die natus est Dominus Canis Grandis secundus). Eodem Anno XXII. Novembris Domini Rectors civitatum Mediolani, Ferrarie, Mantue, Verone, & Ligam fecerunt contra Regem Bohemiæ, qui tenebat certas civitates, & terras Lombardie, & inter se dictas terras diviserunt, videlicet Pergamum, & Cremonam Dominum Mediolani; Mutinam Dominum Ferrarie; Regium Dominis Mantue; & Parmam Dominum Veronæ. Et sic prædicti Domini Lombardie requisiti sunt ad Ligam cum Florentinis, & Rege Roberto contra Regem Bohemiæ.

648

A mix, quæ Liga Veronæ per Sindicos & Ambassiatores Regis Roberto, & Florentinorum firmata est circa finem Marci, positâ taleâ inter ipsos de tribus milibus equitum, & duorum milium peditum.

MCCCXXXIII. primo Aprilis. Dominus Mastinus de la Scala cum ejus exercitu, & comitiva requisitus à Domino Obizone Marchione Estensi Domino civitatis Ferrarie ivit in auxilio dicti Domini Marchionis contra Dominum Beltrandum Cardinalem Hostensem, & Legatum, ac Dominum Generalem civitatis Bononiæ, & Romandiæ, qui erat in obesse civitatis Ferrarie, & ibi fecerat unam bastitam'. Cum dictis Domino Mastino, & Marchione Estense interfuerunt gentes equites, & pedites Dominorum de Mediolano, & de Mantua &c.) Et XIV. dicti mensis exierunt civitatem Ferrarie, aciebus, & feritoribus ordinatis contra ipsum Dominum Legatum, & ejus exercitum, per terram, & aquam Padi contra ipsos viriliter pugnantes, & ejus bastitam per vim eisdem inimicis auferentes, & comburentes; & multi ex eis captivati, & morti traditi sunt; inter quos fuit Comes de Armignaco; & ultra mille quingentos carceribus consignati, & in bottino ultra duo milia equorum consignati fuerunt, & plurima alia spolia infinita vendita in bottino ultra XV. millia Florenorum, exceptis donis factis pluribus Nobilibus de communitate bottini, & pluribus furatis rebus, & occultatis per cives Ferrarie, & per Soldatos, quæ excesserunt numerum prædictum. Eodem Anno circa medium Augusti, Dominus Carolus filius Regis Bohemiæ per Dominum Mastinum de la Scala honorifice receptus est, & in Episcopali Curia/duobus diebus requievit, & in recessu ejusdem de equis, & palafrenis ab ipso Domino Mastino, & alia plurima dona recepit; & per Pontem Corvarie versus Tridentum ipse Dominus Carolus in castro Avii notificavit. Et eo Anno octavo Octobris dominus Joannes Rex Bohemiæ Pater ipsius Domini Caroli applicuit Veronam, & in propriis Palatiis habitacionis Domini Mastini de la Scala honorifice receptus est, & multis donis eidem ex equis, & aliis exeniis presentatus. Demum die sequenti versus Tridentum per castrum (& pontem) Corvarie Tridentum reversus est ad propria.

MCCCXXXIV. Dominus Mastinus de la Scala cum ejus exercitu, & Liga Dominorum Mediolani, Ferrarie, & Mantue XX. Januarii posuerunt exercitum circa castrum Brexelli districtus Parmæ super ripam fluminis Padis, distans à Parma per XII. milia, à Regio XV., & à Cremona XXVI., & fecerunt unum Pontem supra Padum, & dictum castrum vallaverunt triplici fovea; & lignamina, asseres, funes, ferramenta, victualia, & alia necessaria portabantur de Verona usque ad exercitum supradictum. Et eo Anno XXIII. Februarii Domini Hector de Panico de Bononia, Gothofredus de Sesso de Regio, Joannes de Manfredis de Regio, & plures alii nobiles existentes in castro Corfigii, districtus Regii, cum quingentis militibus de Verona, & Ligia supradictæ casualiter equitaverunt contra Civitatem, & Villas districtus Regii: contra quos occurrit Dominus Gibertus de Fojano de Regio tunc Dominus Civitatis ejusdem, & cum ejus militia cepit eosdem Dominos Hectorem